

2020 Kackalaris

1. Greta (♪ Die Immer Lacht)

Siiie - ist die Eine die niemals lacht,
Die niemals lacht, niemals lacht, niemals lacht
Ohhh die niemals lacht

Und nur Sie - isst, die ganze Zeit nur Fleisch
Hundefleisch, Gammelfleisch, hauptsach Fleisch
Aber nur wenn sie alleine i(s)st
Denn sie ist - die Eine, die Eine, die Eine, die Eine

Die niemals lacht, niemals lacht, niemals lacht, niemals lacht
Ohhh die niemals lacht - oh die niemals lacht

Und nur Sie - fliegt - um die ganze Welt
Inlandflug, nid mim Zug, für wenig Geld
Aber nur wenn sie alleine ist
Denn sie ist - die Eine, die Eine, die Eine, die Eine

Die niemals lacht, niemals lacht, niemals lacht, niemals lacht
Ohhh die niemals lacht - oh die niemals lacht

Und nur Sie goht - allna auf da Sack!
üsa Sack, eura Sack, Plastiksack, Churer Sack, Lumpasack, Hodasack
Und dass nur weil sie die Wahrheit spricht Denn sie ist - die Eine

Streik #1

In Züri döt hend d'Fraua gstreikt, das bringt eu kuhm zum stutza
Zum Glück bin i in Ems dahei - und mini Frau am Putza
Streik gits aber au in Ems, doch anstatt d'Frau machts do dr Maa
für 100 Meter neuu Stross, hends fascht as Johr lang kha

2. Pagano (I bin en Italiano)

I bin Napolitano
und heiss Maikol Pagano
i reda an huufa Stuss
vielleicht kennsch mi vu 3+

I bin in Ems gebora
im Tschutta nu verlor
Schu frühah sägen si miar
Emser Rosakavalier

Ref. Oh mia bella cara signorina
zeiga diar - mol gära mina Kliina
führa di - uf miner Harley us
tuan di nid verstecka,
i weiss wo isch din Huus

Bin volla mit Tattoos
kumm bi Bachelorette nit drus
schenkt miar di ganz Ziiit Rosa
gschieder wür si miar in d'Hosa

I will doch nur a netti
Wo kocha kann Spaghetti
am liabschta wia mia Mamma
mit riesa grossa Pfanna

Ref. Oh mia bella cara signorina
zeiga diar mol gära mina Kliina
führa di - uf miner Harley us
schwing di uf min Sattel -
und gib miar mol an Kuuss

Oh mio caro Maikol Pagano
Du bisch üsa liabligs Italiano
Wünschen diar für d'Liabi ganz viel Gluck
Hoffend findsch dia Richtig und muasch nid zum Fernseh zruck

Streik #2

Dia Jugendlichä sind dia schläuschte Füchs, dia machens würrklich prima Witsch am Fritig frei vur Schual,
tuasch streika für üses Klima
Miar setzen üs drum für dia Kind - für neuu Parkplätz i
Denn d'Eltera vu däna Gofa - müand jo aswo mim Auto hi

3. Chur (traditionelle Schnitzelbank-Melodie)

In Chur bim Bahnhof, dr neuschte Streich
Guat usgseht tuats, sust ischs an Seich
z'Steibock Center – optisch genial
Doch d'Wahl vu da Läda – an klina Skandal
Und erfunda händs döt – dr neuschte Kack
Schoggi vum Läderach – mit Seifagschmack

Hüt bruchsch an Awalt – wenn im Resti saisch:
«Zum Hauptgang gära – as Stückli Fleisch»
Rechtfertiga muasch di und söttsch fascht flücha
Ussert tuasch z'Fleisch – regional bezücha
Lokaler als z'Chur – kasch z'Fleisch niana gnüssa
döt göhnt d'Jäger z'Wild – bir Kanti go schüssa

Chur isch tot - in dr Hauptstadt vum Kanton
sitzend a huufa KACKalaris – uf am Thron
Zum recht in Usgang - muasch ins City West
Will noch da Tagesschau - do schlusst da Rest
Dass endlich wieder - öpis spannends passiert
hend d'Churer an Bankraub - inszeniert

Da Vitus isch wäg – hät z'sinkenda Schiff verloh
Warum isch üs glich – hauptsach er isch nüm do
Vertrauti Quella – hend üs kürzlich brichtet
Dr «V Punkt Huonder» – hett sich neu usgrichtet
Wia vorher ir Kircha – wird au do absahnt
d'Silvesterparty – hett er nämli plant

Streik #3

Streika tuat sogar dr Winter – jetzt müander mol guat losa
d'Frau Holle und dr Petrus - sind beides halt Franzosa
Am schlimmschta sigs in Hong Kong däna – sit am letschta Mai
Uf da Strossa in der Stadt - regnets Ziigelstei

4. Stau in Domat Ems (S.T.S. – Fürstenfeld / i will wieder hoam)

Intro

Langsam findet d'Stross as End und d'Baustell dia foht ah
Ar Via Nova in Domat/Ems muasch gnuag Proviant im Auto ha

Döt trait eina so a lüchtendi Weschta und fuchtlet mit da Händ
Jetzt weisch hüt wird wieder amol im eigna Auto pennt

Uf da Gleis stauen sich schu d'Autos – d'Oberländer sind on Tour
D-A13-isch-na-z'schnell – drum neehmen sii dr Weg über Ems uf Chur

Sit ma halba Johr isch do im Dorf an riesa Stau
Dia ganza Tafla und Umleitiga - checkt doch eh kai Sau

Bridge

Wuchalang stohn i schu do
Si wennd niamert dura loh
I han langsam weh am füttla
und will doch nuno hai go blüttla

Jeda Tag dasselba Spiel
Miar wirds langsam sicher z'viel
Doch öpis guats das hett dä Bau
Au mini Frau dia stoht im Stau!

Ref. (2x)

I will doch nu no hai
Jetzt wär i mol allai
Könnt rubbla wia an Grossa
Und uma laufa ohni Hosa